



Møtebok for Kommunestyret

Møtedato: 20.01.2022
Møtestad: Kommunestyresalen Flodmaal
Møtetid: 09:00 - 15:00

Formannskapet ba i møte 21. okt 2021 om at ein drøftar bustadutvikling på og nær Mo som tema i kommunestyret.

Teknisk sjef Tone Selmer Skuggevik førebur presentasjon om temaet til kommunestyremøtet 20. jan.

Industriutvikling Vest v/Børge brundtland og Tore Andre Sines presenterer rapport om Modalen næringsbygg og næringsutvikling i Modalen.

Frammøtte medlemmer	Parti	Rolle	Merknad
Kjetil Eikefet	SA	Ordførar	
Kristin Nåmdal	SA	Medlem	
Ove Eidsnes	SA	Medlem	
Liv Anne Aanesen	SA	Medlem	
Anne Britt Almelid	SA	Medlem	
Marit Kristin Nese	SA	Medlem	
Roger Wilhelm Fure	SA	Medlem	
Ann-Jorunn Farestveit	SO	Varaordførar	
Linda Neset	SO	Medlem	

Robert Helland	SO	Medlem	
Håvard Engeseth	SO	Medlem	
Ole Kristian Øvre Helland	SO	Medlem	
Sigrunn Almelid Birkeland	SO	Medlem	

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
001/2022	Godkjenning av innkalling og saksliste
002/2022	Godkjenning av møteprotokoll
003/2022	Referatsaker
004/2022	Orienteringssaker
005/2022	Høyringsuttale Vilårsrevisjon Modalsvassdraget

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/319

Saksnr	Utvalg	Type	Dato
001/2022	Kommunestyret	PS	20.01.2022

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Kommunestyret - 001/2022

KS - behandling:

Samrøystes vedteke

KS - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	21/319

Saksnr	Utvalg	Type	Dato
002/2022	Kommunestyret	PS	20.01.2022

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Kommunestyret - 002/2022

KS - behandling:

Samrøystes vedteke

KS - vedtak:

Møteprotokoll vert godkjend slik den ligg føre

Vedlegg:

Protokoll - Kommunestyret - 09.12.2021

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	21/319

Saksnr	Utvalg	Type	Dato
003/2022	Kommunestyret	PS	20.01.2022

Referatsaker

Underliggende saker:

Saksnummer	Tittel
003/2022.1	Modalen kontrollutval - Møteprotokoll frå møtet 24.11.2021
003/2022.2	Protokoll 4-2021 Regionrådet Nordhordland, onsdag 1. desember 2021
003/2022.3	Protokoll frå Representantskap 2-2021 Region Nordhordland Helsehus IKS, 1. desember
003/2022.4	Protokoll frå Representantskap 2-2021 Region Nordhordland IKS, 1. desember
003/2022.5	Protokoll frå representantskapsmøte i IKT Nordhordland

Forslag til vedtak:

Referatsaker vert tekne til orientering.

Saksopplysningar:

Kommunestyret - 003/2022

KS - behandling:

Samrøystes vedteke

KS - vedtak:

Referatsaker vert tekne til orientering.

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/319

Saksnr	Utvalg	Type	Dato
004/2022	Kommunestyret	PS	20.01.2022

Orienteringssaker

Forslag til vedtak:

Sakene vert tekne til orientering

Saksopplysningar:

Kommunestyret - 004/2022

KS - behandling:

Industriutvikling Vest (IUV) v/ Børge Brundtland presenterte rapport som omhandla vurderingar knytt til Modalen Næringsbygg AS, jfr. KS-vedtak 17.06.21. Rapporten vert sendt ut til kommunestyret i etterkant av møtet.

Liv-Anne Aanesen spurde om slike selskap driv med bustadutvikling? Brundtland viste til at det går fint, og at det går føre seg i t.d. Alver kommune.

IUV v/ Tore Andre Sines (IUV) presenterte rapport om næringsutvikling generelt i Modalen. Rapporten vert sendt ut til kommunestyret i etterkant av møtet.

Linda Neset spurde korleis ein bør forholde seg til initiativ som ikkje har utgangspunkt i Modalen? Bør det alltid vere lokale initiativ?

Liv-Anne Aanesen viste til erfaringar med ulike modellar over tid. Oppteken av at det skal vere "lokale kassaapparat" som nyttar dei lokale moglegheitane. Synes det er bra med samarbeid med eksterne, men at det bør vere ei forankring lokalt. iModalen AS vonar å kunne tilsetje dagleg leiar i løpet av februar.

Roger Fure trur at det må mykje hjelp til for å kunne byggje ut konsept som t.d. den spektakulære omveg m.m.

Kristin Nåmdal peika på at det må vurderast kva utfordringar som også gjeld. Få innbyggjarar/aktørar som ikkje om naudsynt har ambisjonar om å vere ei reiselivsverksemd. Modalen kommune bør ta ei meir aktiv rolle som næringsutviklar m.o.t. næringsareal m.m.

Håvard Engseth peika på at ein bør satse på lokale som vil etablere seg her, og som har produkt som skal ut av kommunen. Sikre at det vert etablert arbeidsplassar i Modalen som også inneber at dei vil busetje seg her. Ikkje først og fremst satse på reiseliv.

Teknisk sjef Tone S. Skuggevik orienterte om bustadutvikling på Mo/Otterstad

1. utviklingsmoglegheitar knytt til kyrkjelydstomta v/ kyrkja på Mo.
2. utviklingsmoglegheiter på kommunal tomt (eldre hus) på Otterstadsida.
3. utviklingsmoglegheiter på kommunal tomt 2 (eldre hus) på Otterstadsida.

Evt. sjå pkt. 2 og 3 i ein samanheng for felles utvikling.

Innspel: Vurdere område ved sjøen (nausta bort mot betongen), område på andre sida av øvste bru på Mo, område v/ Seten, samt område på Øvre Helland ved ballbana. Kommunestyret er positive til gå vidare med tankar og vurderingar som vart presenterte.

Kristin Nåmdal

Ynskjer å understreke at det nye huset - Flodmaal - er tatt i bruk. Skulle ha vore ei tydeleg markering av dagen.

Orientering v/ rådmannen

Ny ass. rådmann, Tonje H. Aarland, byrjar i stillinga si 1. mars.

Bryggjeslottet er opna etter lang tid med nedstenging - rassikring fase 1 er gjennomført. Skadar vert fulgt opp og reparert framover. Fase 2 og 3 i rassikringa vil påbyrjast framover.

Ras ved Nøttveit førre onsdag. Førte til flodbølge som resulterte i øydelegging av naust og hytter i området. Samarbeid om opprydding av fjorden er etablert med Alver og Osterøy. Kystverket har vore medverkande i ryddearbeidet på sjø. Nokre kostnader vil tilkomme i samband med å frakte vekk massar. Geolog skal vurdere fare for ytterlegare ras med grunnlag i biletmateriell og evt dronefilm dersom naudsynt.

Samrøystes vedteke

KS - vedtak:

Sakene vert tekne til orientering

Sakspapir

Saksbehandler	Arkiv	ArkivsakID
Mari Emilie Pettersen Hagenlund	FA-S11	19/280

Saksnr	Utvalg	Type	Dato
005/2022	Kommunestyret	PS	20.01.2022

Høyringsuttale Vilårsrevisjon Modalsvassdraget

Forslag til vedtak:

Dokumentet svarer på kommentarar frå regulant på tidlegare innsendte krav til vilårsrevisjon og tar opp dei tema som er viktige for kommunen. Kommunestyret i Modalen vedtek høyringsuttale med vedlagt kravdokument slik det ligg føre.

Dokumentet svarer på kommentarar frå regulant på tidlegare innsendte krav til vilårsrevisjon og tek opp dei tema som er viktige for kommunen. Kommunestyret i Modalen vedtek høyringsuttale med vedlagt kravdokument slik det ligg føre, med desse tillegg og endring:

Modalen kommune motset seg at vilkår 19 b og e i vilkår frå 1975 vert teke vekk, slik det vert føreslege i revisjonsdokumentet. Vilkår 19 skal oppretthaldast i sin heilskap og konsesjonseigar må følge opp gjeldande konsesjon.

Modalen kommestyre ber politisk leiing og administrasjon gå i dialog med konsesjonseigar med grunnlag i rapport, Utreiding av fisketrapp i Modalselva frå Multiconsult, med omsyn til oppfølging av vilkår 19. i gjeldane konsesjon.

Modalen kommune støttar innspel frå villreinnemda: Påpeikar moglege verknader av dei eksisterande inngrepa som saman med turstiar mm kan ha innskrenka villreinen sin moglegheit til å utnytte leveområdet. Ei eiga fagutgreiing for villrein som faktagrunnlag i revisjonen, lyt sjå på villreinområdet i sin heilskap for å avklare kva påverknad kraftutbygging har hatt på reinen.

Modalen kommune fråfell krav 76 om at vegen opp Hellandsdalen skal vedlikehaldast av regulant.

Kommunestyret gjev ordførar mynde til å følge opp nye innspel som kjem inn etter høyringsfrist 01.feb 2022. Kommunestyret skal orienterast om evt nye innspel i kommunestyremøte

Saksopplysningar:

Bakgrunn

I 2019 fremma Modalen kommune krav om revisjon av konsesjonsvilkår for Steinslands-/Modalsvassdraget i samband med revisjon av konsesjonsvilkår i Eksingedalsvassdraget og Teigdalsvassdraget. Hovudformålet med ein revisjon er å betre miljø- og naturforhold ved å avbøte ulemper og negative verknadar av kraftverksutbygginga. Revisjonen opnar for å vurdere til dels endring i manøvreringspraksis, minstevasslipp og biotopjusterende tiltak.

I løpet av høyringsperioden kom Modalen elveeigarlag med innspel som tok opp fleire tema knytt til vassmiljø i Modalselva, i hovudsak knytt til laks og sjøaure. Deira innspel er god utgreidd og gir eit godt grunnlag som er viktig å ta med seg. Administrasjonen stiller seg bak desse krava, med bakgrunn i at kommunen er opptatt av at arbeidet med re-etablering av laks og betring av levevilkår i vassdraget skal lukkast. I tillegg kom Modalen kommune med fleire egne innspel til krav.

På førespurnad frå Norges vassdrags- og energidirektorat (NVE) utarbeida Modalen kommune saman med kommunane Voss, Vaksdal, Vik og Kvam eit felles kravdokument for alle vassdraga. Dokumentet med krav om revisjon har fokusert på allmenne interesser som leveforholda til laks og sjøaure, villrein og evt. andre truga arter/ bestandar som skulla ha fokus i ein revisjon. I tillegg har t.d. tilhøva for friluftsliv og reiseliv vore aktuelle tema.

Den 06.07.21 vart revisjonsdokumentet for Steinslands- og Modalsvassdraget sendt på høyring frå NVE med frist for innspel til revisjonsdokumentet satt til 01.11.21. Modalen kommune søkte om utsetjing til den 14.11.21 og ved ein seinare anledning vart det søkt om ytterlegare utsetjing til 01.02.21. Etter høyringsfristen er ute skal NVE ta endeleg stilling til dei framstilte krava.

Modalen kommune har engasjert Multiconsult AS v/Morten Kraabøl til å utgreie laksetrappa i Hellandsfossen og utarbeide ein rapport som tek for seg moglege forbetringar. Rapporten vil bli ettersendt høyringsuttalen til vurdering etter avtale med NVE. Modalen kommune ynskjer at moglege forbetringar av fisketrappa framstilt i rapporten vert ein del av krava til vilkårsrevisjonen slik at forholda for opp- og nedvandring av laks og sjøaure vert forbetra.

Konklusjon

Modalen kommune har gjennomgått revisjonsdokumentet med svar på høyringsinnspel frå regulant. Kommunen i samarbeid med Modalen elveeigarlag veljar å oppretthalde alle tidlegare innsendte krav til vilkårsrevisjonen samt framstille nye krav som har kome fram i løpet av høyringsperioden. I vedlagte dokument har Modalen kommune framsett sin prioriterte kravliste med kommentar frå regulant i vilkårsrevisjon samt kommunens svar på kommentarar frå regulant. I tillegg kjem rapporten som tek for seg relevante problemstillingar og moglege tiltak kring laksetrappa i Hellandsfossen.

Administrasjonen meiner at det utarbeidde dokumentet er godt og tek opp dei momenta som kommunen vil fremma. Kommunestyret i Modalen vedtek høyringsuttale med vedlagt kravdokument slik det ligg føre

Kommunestyret - 005/2022

KS - behandling:

Orientering om innspel til vilkårsrevisjon Steinslands-/Modalsvassdraget v/ Mari Hagenlund frå landbruk.

Kristin Nåmdal etterspurde kven som har ansvar for luke/laksetrapp som ikkje har fungert på 10 år. Etterspurde ordførar om rapport.

Linda Neset informerte om at mykje vart tydeleg i samband med kultiveringa som har funne stad dei senare åra. Det er såleis råd å stille fleire spørsmål til erfaringar som er gjort. Fleire forhold burde vore fanga opp på tidlegare tidspunkt.

Ordførar peika på at det er forhold ved vilkårsrevisjonen som er knytt til Modalen kraftlag og problemstillingar knytt til deira konsesjon. Linda Neset viste til at rapporten frå Multiconsult skil mellom konsesjon knytt til Eviny og Modalen kraftlag.

Håvard Engeseth viste til at konsesjonshavar bør oppretthalde og følge opp vilkåra i gjeldande konsesjon m.a. med omsyn til vedlikehald av m.a. trapp uavhengig av kva revidert konsesjon vil resultere i. Ordførar var samd i at det bør drøftast med regulant om å oppretthalde forpliktingane også i påvente av ferdigstilling av vilkårsrevisjon. Kristin Nåmdal ba om at det snarast bør initierast dialog med regulant om å følge opp forpliktingane, og at politisk leiing og administrasjonen får ansvar for dette.

Linda Neset viste til at Elveeigarlaget ynskjer å stenge trappa for inneverane år før ho opnar - før oppvandring - for å unngå skade på fisk.

Forslag til vedtak frå Kristin Nåmdal: Ordførar og rådmann får i oppdrag å følgje opp rapport frå Multiconsult med regulant med føremål at regulant skal syte for å iverksetje og gjennomføre tiltak gitt innanfor gjeldande konsesjon. Rådmannen viste til at regulant fort kan komme med motsegn fordi ein no er i prosess om vilkårsrevisjon.

Ordførar problematiserte ansvar lagt på regulant i opprinneleg vilkår (frå 1975) og at dette ikkje må verte redusert med omsyn til pkt 19. Modalen kommun bør motsetje seg å erstatte desse punkta med standardvilkår. I tillegg har Villreinnemnda har peka på at det er behov for eiga fagutgreiing knytt til villrein. Modalen kommune bør støtte dette. Fristen for høyringa går ut 1. febr. 2022. Det er likevel råd å levere innspel undervegs etter denne datoen og fram til synfaring er gjennomført. Ordførar ber om at kommunestyret gjev han mynde til å samle inn og sende inn innspel som kjem etter 1. februar.

Linda Neset viste til vilkår 19 i Steinslandsvassdraget og at det vert presisert i kommunestyret sin uttale at heile dette punktet vert skiftleg formulert og sendt inn i samband med vilkårsrevisjonen. Ole Kristian Øvre-Helland viste til vegen opp Hellandsdalen og om Modalen kommune har hatt dialog med grunneigarar. Rådmannen orinterte om at det i tidlegare handsaming i kommunestyret vart tatt med punkt om oppgradering av nemnte private veg.

Svaret frå BKK (no Eviny) var at dette ikkje er ein del av vilkårsrevisjonen. Ordførar gjennomførte avstemming av kven som ynskjer punktet fjerna. 9 stemmer for, 4 mot. Dei som stemte mot var Krstin Nåmdal, Roger Fure, Anne Britt Almelid og Sigrunn Birkeland. Ordførar tok alternativt framlegg til vedtak opp til votering. Samrøystes vedteke

KS - vedtak:

Dokumentet svarer på kommentarar frå regulant på tidlegare innsendte krav til vilkårsrevisjon og tek opp dei tema som er viktige for kommunen. Kommunestyret i Modalen vedtek høyringsuttale med vedlagt kravdokument slik det ligg føre, med desse tilleggga og endring:

Modalen kommune motset seg at vilkår 19 b og e i vilkår frå 1975 vert teke vekk, slik det vert føreslege i revisjonsdokumentet. Vilkår 19 skal oppretthaldast i sin heilskap og konsesjonseigar må følge opp gjeldande konsesjon.

Modalen kommestyre ber politisk leiing og administrasjon gå i dialog med konsesjonseigar med grunnlag i rapport, Utreiding av fisketrapp i Modalselva frå Multiconsult, med omsyn til oppfølging av vilkår 19. i gjeldane konsesjon.

Modalen kommune støttar innspel frå villreinnemda: Påpeikar moglege verknader av dei eksisterande inngrepa som saman med turstiar mm kan ha innskrenka villreinen sin moglegheit til å utnytte leveområdet. Ei eiga fagutgreiing for villrein som faktagrunnlag i revisjonen, lyt sjå på villreinområdet i sin heilskap for å avklare kva påverknad kraftutbygging har hatt på reinen.

Modalen kommune fråfell krav 76 om at vegen opp Hellandsdalen skal vedlikehaldast av regulant.

Kommunestyret gjev ordførar mynde til å følge opp nye innspel som kjem inn etter høyringsfrist 01.feb 2022. Kommunestyret skal orienterast om evt nye innspel i kommunestyremøte

Vedlegg:

Kravdokument til svar på vilkårsrevisjon_10.01.22

Rapport laksetrapp Hellandsfossen